

Novaj ideoj kaj ŝanĝoj en TEJO

La lasta komitatkunsido de TEJO okazis dum Internacia Junulara Festivalo en Italio, kie oni diskutis pri ideoj kaj ŝanĝoj en la organizo. La prezidanto de TEJO Michael Boris Mandirola kaj la respondeculo pri merkato kaj landa agado Enric Baltasar rakontas pli en la [video](#).

Aktivula Akademio de TEJO

Ĉu vi volas lerni kiel efike agadi por Esperanto? Precize tial ni lanĉis la [Aktivulan Akademion de TEJO](#).

Ĝi estas la plej enhavoplena platformo de kunlabora lernado por aktivuloj. En Aktivula Akademio troveblas diversajn kursojn interalie pri teamlaboro kaj negocado, fotarojn, informilojn, liveraĵojn de trejnadoj, informojn pri projektoj kaj multon plian!

Scienca sesio dum IJK 2017

Okazos scienca sesio dum IJK en Togolando, kiam junaj sciencistoj, esploristoj kaj fakuloj prezentos siajn kampojn en 5-10 minutoj! **Prelegu ankaŭ vi!** Sendu vian nomon kaj 3-frazan priskribon pri via temo **ĝis la 28-a de julio al sfa@tejo.org**! Se vi volus prezenti vian kampon, sed mankas al vi esprimoj aŭ lerto prelegi, skribu tion en via mesaĝo, kaj vi ricevos taŭgan helpon.

La programeron okazigas la **Komisiono de TEJO pri Scienca kaj Faka Agado**.

Venontaj Eventoj dum Julio kaj Aŭgusto

- 22- 29-an de Julio - UK - La [102a Univerala Kongreso](#) en Seulo, Koreio

- 5-an de Aŭgusto - [IJK - Internacia Junulara Kongreso](#) de TEJO en Aneho, Togolando
- 7-an de Aŭgusto - [IJS 2017 - 27-a Internacia Junulara Semajno](#) en Gyenesdiás, Hungario

La 4a Afrika-Eŭropa Junulara Kunveno

Pli ol 120 junuloj el ambaŭ kontinentoj preparolos temojn kiel edukado, inkluziveco, kulturo kaj medio por interŝanĝi ideojn kaj trovi la plej taŭgajn solvojn por gravaj problemoj. Se vi aĝas inter 18 kaj 35 jaroj kaj scipovas la anglan aŭ la francan, ne hezitu kandidatiĝi! Pli da detaloj kaj la formularo por kandidatiĝi troviĝas [ĉi tie](#).

Amikumu serĉas programiston

La teamo de Amikumu serĉas programiston por helpi programi la Android-version de la kromprogramo! Kandidatiĝu [ĉi tie](#).

Komitata Kunsido dum IJK

La sekva Komitata Kunveno de TEJO okazos kadre de la 73-a IJK en Aneho (Togolando). Ĝeneralaj informoj estas publikigitaj [ĉi tie](#). TEJO invitas la komitatanojn konfirmi la partoprenon aŭ nomumi anstataŭonton por la kunsido.

Ĉu vi volas kontribui sendante interesajn novaĵojn por la venonta numero de TEJO Aktuale?

Sendu viajn novaĵojn al tejoaktuale@tejo.org antaŭ la lasta tago de la monato.
Antaŭdankon pro la helpo!

Kolofono

TEJO Aktuale estas retroŝta informilo de TEJO. Ĝi estas senpage abonebla, aperas 1 foje monate kaj koncize kompilas freŝajn, konkretajn informojn pri la junulara E-movado kaj ligilojn al interesaj retpaĝoj – pli rapide ol povus tion fari paperaj revuoj.

Redaktoro: Ana Stretcu

Kontribuantoj de ĉi tiu numero: Ariel Palmer, Enric Baltasar, Alessandro Bonfanti

Eldonas: Tutmonda Esperantista Junulara Organizo (TEJO), tejo.org

Kopirajto © 2017 TEJO

Ĉi tiu laboro disponeblas laŭ la permesilo [Krea Komunaĵo Atribuite-Samkondiĉe 4.0 Tutmonda](#)

Ĉu vi volas ŝanĝi kiel ricevi ĉi tiujn retroŝtajn mesaĝojn?
Vi povas [ĝisdatigi viajn agordojn](#) aŭ [malaboni vin de ĉi retroŝta bulteno](#)

